

Oqaluuserisassanut nassuiaat.

(Inatsisartut Siulittaasoqarfiat)

Imm. 127

Kalaallit Nunaata Pisuussutiniq uumaatsunik iluaquteqarniarnermi isertitaasartut eqqarsaatigalugit ammasumik ingerlatsinissamik suliniummi, EITI-mi, ilaasortanngorsinnaaneranut periarfissat pillugit Naalakkersuisut naalagaaffimmut attaveqaqqullugit peqquneqarnissaannik Inatsisartut aalajangiiffigisassaattut siunnersuut. Immikkoortoq ulloq 1. oktober siullermeerneqartussaagalarpoq.

Siunnersuutigineqarpoq imm. 127 ulluni 22. oktober aamma 13. november siullermeerneqarlunilu aappassaaneerseqassasoq.

Siulittaasoqarfiup aalajangerpaa **immikkoortup 106-ip:**

UKA13-imit atuutilersumik uranimik aamma aatsitassanik qinngornilinnik paaasarnermik attueqqusinngilluinnarnerup atorunnaarsinnissaannik Inatsisartut akuersissuteqarnissaannik Inatsisartut aalajangiussinissaannut siunnersuutip siullermeerneqarnissaa ulloq 10. oktobarimut kinguartinneqartoq.

Siunnersuuteqartoq Atassut qinnuteqarpoq oqaluuserisassani **imm. 45-p:**

Imigassanik sassaallernermi, tuniniaanermilu tuniniaanerup killinga naleqqussarneqarsinnaanera aallaavigalugu apeqquteqaat aallaavigalugu oqallisissiap tunuartinneqarnissaanik.

Immikkoortoq ulloq 6. november oqaluuserineqartussaagalarpoq.

Naalakkersuisut qinnuteqarput oqaluuserisassani **imm. 19-p:**

Kunngip peqqussutaanut Inatsit nr. 553 18. juni 2012 - 3/11-imeersoq Institut for menneskerettigheder - Danmarks Nationale Menneskerettighedsinstitution Kalaallit Nunaanni atuutilernissaa pillugu Kalaallit Nunaanni Namminersorlutik Oqartussat oqaaseqaataat pillugu Inatsisartut aalajangiiffigisassaattut siunnersuutip siullermeerneqarnissaata piffissaligaanngitsumik kinguartinne-qarnissaanik.

Immikkoortoq ullumi oqaluuserineqartussaagalarpoq.

Piffissami ullumi oktobarip arfineq-pingajuanniit qulingat ilanngullugu Inatsi-sartunut ilaasortat:

Ane Hansen, Inuit Ataqatigiit aamma Lars P. Mathæussen, Siumut

Ruth Heilmann, Siumut aamma Mimi Karlsen, Inuit Ataqatigiit kiisalu

ullumi ataatsimiinnermi,

Randi Broberg, Partii Inuit aamma Naaja Nathanielsen, Inuit Ataqatigiit aamma

Harald Bianco, Inuit Ataqatigiit aamma Karl-Kristian Kruse, Siumut

taasisarnerit pillugit isumaqatigiissuteqarput